

## Sceptica davart la Lia rumantscha

■ En la missiva da la regenza al cussegl grond dals 11 da mars 2003 propona la regenza grischuna 212 mesiras da spargn. Cun mesira nr. 31 vul ella edir davent da l'onn 2006 ils meds d'instrucziun rumantschs mo pli en rumantsch grischun. Cun questa mesira quinta la regenza da spargnar 100 000 francs ad onn.

La LR prenda posiziun sco suonda:

1. Questa proposta è ina provocaziun. Quella vegn ad avair consequenzas finanzialas per il chantun Grischun concernent la politica d'ediziuns da meds d'instrucziun inclus la scolaziun e furmaziun da magisters en rumantsch grischun.
2. Las reservas en ils gremis da scola èn grondas. La proposta da la regenza stat qua senza context e n'è betg da realisar senza mesiras flankantas. Ins na po betg surlaschar la produenziun da meds d'instrucziun a la casualitad. Tuttina va la proposta da princip en la dretega direcziun.
3. La LR pretenda cun ses gea da princip dal departament d'educaziun, cultura e protecziun da l'ambient in cler concept per l'introducziun dal rumantsch grischun en scola, e quel sto vegnir spert. Be uschia vegni ad esser pussaivel da realisar la proposta senza ristgs betg calculabels per la scola rumantscha. La LR è sceptica sche l'onn 2006 è realistic.

*Lia rumantscha*